



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Compendium Totius Tractatus De S. Matrimonij  
Sacramento R. P. Thomæ Sanches E Soc. Iesv**

**Sánchez, Tomás**

**Coloniæ Agrippinæ, 1624**

10. Circumstantia.

**urn:nbn:de:hbz:466:1-41559**

gino, l. 2. disp. 45. n. 12. & 13. Vtrum autē dis-  
sensus in matrimonio probetur vtriusque cō-  
iugis confessione, asserentis se fide cōsensisse?  
Affirmat Doctor, *ib. nu. 15.*

5 Propter testimonium vnius iurantis in-  
terfuisse impedimentum dirimens, non tene-  
tur coniux à matrimonio abstinere, impedi-  
mentumque credere, quamuis sit fide dignus,  
amicus, vel Parochus, vel iam sit fama. Tene-  
tur tamen diligentiam adhibere, & quamdiu  
diligentiam non adhibet, nō potest petere de-  
bitum: tamen diligentia sufficenti adhibita, nil  
inueniēs potest deponere dubium, & si audi-  
uit à fide non dignis, non tenetur facere dili-  
gentiam, *lib. 2. disp. 45. à nu. 25. vsque ad 29.*

## Circumstantia.

1 Circumstantia accessus contra naturam  
cum propria vxore est explicanda, & est adul-  
terium ex vtraque parte, & est grauius pecca-  
tum, quam inter solutos, l. 9. disp. 18. n. 3. 4. & 5.

2 Circūstantiæ personarū status in tactibus  
libidinosi sūt necessariò fatēdæ. Idē dicendū  
de accessu cōiugati, vel ad coniugatā, vbi non  
est seminis effusio, & idē de aspectibus & ver-  
bis turpibus, *lib. 9. disp. 46. nu. 18. 19. 31. & 46.*

3 Circumstantia duplicis præcepti prohi-  
bentis rem, duplicem malitiam continet, &  
necessariò fatēda, quādo prohibitio est respec-  
tu diuersæ virtutis. Exemplum sit. Iniectio  
manuū violentarū in clericum prohibita iure  
naturæ ob iniustitiā, & prohibita iure Ecclē-



fiastico sub excommunicatione, ratione religionis, ob reuerentiam debitam, vel sacerdos beneficiatus omittens horas canonicas. Item coniugatus committens adulterium cum coniugata. Transgressio voti & iuramenti de eadē re. Tandem religiosus Franciscanus violans ieiunium vigiliæ cadentis in feria sexta: secus dicendū, quando res prohibetur ratione eiusdem virtutis, vt excommunicatio latronibus lata in latrocinium, præceptū audiendi sacrum, vel abstinēdi à seruilibus ratione duplicis festi: præceptū ieiunij ratione vigiliæ incidētis in quatuor temporibus, vel in quadragesima, *lib. 9. disp. 15. nu. 5. & 6.*

4 Copula habitata inter illos, qui aliquo impedimento dirimenti laborant, est circumstantia necessariò fatenda, quando Ecclesia interdicit matrimonium ob speciale motiuum alicuius virtutis; secus, si in pœnam delicti admitti, *lib. 7. disp. 5. nu. 5. & 6.*

5 Circumstantia copulæ habitæ inter impeditos ad contrahendum ratione cōsanguinitatis, aut affinitatis, est fatenda, habetq; diuersam speciem à simplici fornicatione. Item circumstantia luxuriæ habitæ cū cognata spiritali, vel legali, vel cū cōsanguinea in primo gradu sponsæ propriæ de futuro, vel cum infideli, aut cum hæretica, *lib. 7. disp. 5. à num. 8. vsque ad 13.* Idem dicendum de circumstantia coitus cū impedimento dirimenti impotentia, vt si frigidus, vel eunuchus coeat. Item  
de cir-



de circumstantia ratione voti simplicis, aut ordinis sacri. Secus dicendum de circumstantia incestus cum consanguinea ante matrimonium contractum obtentâ dispensatione, vel de circumstantia copulæ habitæ cum rapta consentienti, antequam restituatur ad locum tutum, aut de circumstantia habitæ copulæ cum fœmina, cum qua non potest iniri matrimonium ratione impedimenti positi in pœnam, v.g. criminis, *ibid. à numer. 14. usque ad 18.*

6 Ut circumstantia addat nouam luxuriæ speciem, requiritur primò noua malitia opposita alij virtuti, quam castitati, ita vt delinquatur contra ambas, vt incestus opponitur castitati, & pietati; sacrilegium castitati & religioni, adulterium & raptus castitati, & iustitiæ. Secundo requiritur vitij deformitas priuans à conditionibus requisitis ab ipsa natura generica omnibus animalibus conuenienti in ipso concubitu, vt peccata contra naturam, *libr. 7. disp. 14. nu. 2.*

7 Circumstantia copulæ habitæ cum pœnitente, vel filia spirituali, est necessariò fatèda, siue confessio sumatur vt medium, siue nō, *lib. 7. disp. 55. n. 1. & 4.* Idem dicendum de circumstantia voti annexi ord. sacro, vel profes. *lib. 7. disp. 27. nu. 19. & 20.*

8 Sacerdos simul professus fornicans satisfacit dicendo se sacerdotem esse. Idem si professus dicat se votum emisisse. Item sacerdos



professus satisfacit dicens se esse professum tacito sacerdotio. Item sacerdos non professus fornicans satisfacit dicendo se esse sacri ordinis, vel se voto castitatis ligatum esse, licet sit Episcopus. Nisi fortè ratione scandali, si fornicatio sit publica. Item religiosus Societatis Iesu votis biennij simplicibus ligatus satisfacit, dicens, se peccasse contra votum castitatis, *li. 7. d. 55. à nu. 27. usque ad 34.* Vtrum verò cætera religiosi peccata, quamvis voto non aduersentur, habeant rationem specialem circumstantiæ status? Negat Doctor, *ibid.*

9 Qui expressè vouit castitatem, & postea suscepit ordines sacros, & emisit vota in Societate Iesu, fornicans satisfacit, dicens, se contra votum castitatis peccasse. Idem dicendum de professo, vel sacerdote, vel habente votum castitatis, & promittente, se non habiturum mollitiam, dicente se professum, vel sacerdotem esse tacito eo voto respectu mollitiæ, *li. 7. disp. 55. n. 35. & 36.*

10 Sacerdos, vel habens votum castitatis, se obligans iurando, tenetur fateri circumstantiam iuramenti, *lib. 7. disp. 55. n. 4.* Vtrum autem professus sacerdos fornicans satisfaciatur, dicens se emisisse votum castitatis? Satis probabile esse affirmat Doctor, *nu. 38.*

11 Circumstantia iuramenti, & voti facti de eadem re est necessario fatenda. Secus dicendum de circumstantia voti & iuramenti sæpè repetiti, *lib. 7. d. 27. n. 25. & 26.*

Clan-